

\* \* \*

Առաջին արձանագրութիւնը վերաբերուած է Ն. Ժորտանիայի եւ անդլիական երկաթուղային առաքելութեան պետ զօր. Բրոուզի խօսակցութեան 1919 թ. փետր. 6-ին: Բրոուզը եկել էր Կովկաս կարգաւորելու համար երկաթուղային գործը եւ պահանջ էր դրել, որ վրաց երկաթուղիները ենթարկուին անդլիական վերահսկողութեան: Վրաց կառավարութեան շատ էլ հասելի չէր նման դրութիւնը, բայց նա չէր կարողանում մերժել եւ զանազան միջոցներով ձգձգում էր: Դրա համար նա հարցը ուղարկել էր երկաթուղային խորհրդին ի քննութիւն, իսկ այս վերջինս, իր հերթին, նոյնպէս ձգձգում էր: Զօր. Բրոուզը պնդում է, որ օր առաջ այս հարցը լուծուի դրական մտքով:

Այնուհետեւ զօր. Բրոուզը յարուցանում է Վրաստանի, Ազրբէջանի եւ Հայաստանի ներկայացուցիչներէց ընդհանուր երկաթուղային յանձնախումբ կազմելու խնդիրը: Հայաստանի եւ Ազրբէջանի կառավարութիւնների համաձայնութիւնը ունի. մնում է վրաց կառավարութեան համաձայնութիւնը:

Ժորտանիան նման յանձնախմբի կազմութիւնը գտնում է օգտակար, բայց պայման է դնում, որ Բաթում-Նոթանիբի երկաթուղագիծը, որ գտնուում էր անդլիացիների ձեռքը, միացուի Վրաստանի երկաթուղիներին: Բրոուզը պատասխանում է, որ անդլիական հրամանատարութիւնը դէմ է այդպիսի միացման, բայց նախնական պայման է դնում, որ առաջ ստեղծուի միջպետական յանձնախումբ: Ժորտանիան, իր հերթին, պատասխանում է, որ միջպետական յանձնախումբը կը կազմուի, հէնց որ Բաթում-Նոթանիբի գիծը միացուի Վրաստանի երկաթուղագիծին: Եւ աւելացնում է, որ միջպետական յանձնախումբը վաղուց արդէն կազմուած կը լինէր, եթէ չխանդարէր պատերազմը Վրաստանի եւ Հայաստանի միջեւ: Ժորտանիան ասում է, որ Անդլիայում եղած ժամանակ ինքը միշտ հիացել է անդլիական երկաթուղիների խոչալակական կազմակերպութեամբ եւ խնդրում է, որ Բրոուզը գրաւոր կերպով հաղորդէ բոլոր այն միջոցների մասին, որոնք, իր կարծիքով, պէտք է դործա-

դրուին վրաց երկաթուղիները բարեկարգելու համար: Զօր. Բրոուզը յայտնում է իր խորին համոզումը, որ վրաց հանրապետութեան ունեցած կարգ ու սարքով եւ առատ շոգեմեքենաներով ու վազոններով կարելի է հրաշալի կերպով կազմակերպել երկաթուղային գործը եւ խոստանում է ցոյց տալ խնդրուած աջակցութիւնը:

Այս խօսակցութիւնը հետաքրքրական է երկու կողմով. նախ՝ նրանով, որ անդլիացիք աշխատում են ձեռք դնել վրաց երկաթուղիներին վրաց. երկրորդ՝ այն վերին աստիճանի հաճոյակատար վերաբերումով, որ վրաց կառավարութեան ընկերվարական նախագահը ցոյց է տալիս դէպի իմպերիալիստական պետութեան մի զօրավարը: Այդ հաճոյակատարութիւնն յետագային երեւան կը դայ աւելի պերճ ձեւերով:

Երկրորդ խօսակցութիւնը Ժորտանիան ունենում է զօր. Փորեստիէր Ուօկկերի հետ, 1919 թ. փետր. 15-ին: Սօսակցութեան ներկայ են լինում եւ արտաքին գործոց նախարար Ե. Գեզեչկորին, Փրանսական գինուորական առաքելութեան պետ Շարդիենին, զօր. Բիչը, երկու կողմերի թարգմաններն ու վրացի քարտուղարը: Սօսակցութեան նիւթն են Վրաստանին վերաբերող մի շարք քաղաքական հարցեր: Պէտք է յիշել, որ այդ օրերին Վրաստանը գտնուում էր շատ ծանր վիճակի մէջ: Աջաբխայում եւ Ախալցխայի շրջանում ծայր էր տուել հակավրացական մահճետական շարժում. հիւսիսից՝ Սոչիի կողմից յարձակուել էին ռուս կամաւորականները: Սկսուել էին եւ ներքին հակապետական շարժումներ: Վրաստանը բաւական նեղ վիճակի մէջ էր. մի շարք ծանր հարուածներ էր ստացել թէ՛ ներքին եւ թէ՛ արտաքին ճակատներում:

Փոխադարձ ողջոյնից յետոյ Ժորտանիան ասում է զօր. Ուօկկերին.

«Մենք վաղուց է սպասում էինք ձեզ անհամբերութեամբ»:

«Զօր. Ուօկկեր.— Առաջին հարցը, որ ես պիտի շօշափեմ, կամաւորական բանակի յարձակումն է: Յիշում էք, որ անցեալ ամսի վերջին եւ այս ամսուան սկզբին ես խօսում էի ձեզ անդլիական հրամանատարութեան 23 յունուար